

24 OCT 1998

Ethiopia-lawat

ETHIOPIA TINGKATKAN HUBUNGAN RAPAT DENGAN MALAYSIA

KUALA LUMPUR, 24 Okt (Bernama) -- Perdana Menteri Ethiopia, Meles Zenawi, yang mengakhiri lawatan lima harinya ke Malaysia hari ini, berkata ia telah meletakkan asas kepada hubungan yang lebih erat antara kedua-dua negara.

Beliau menyifatkan lawatannya itu, di atas jemputan Perdana Menteri Datuk Seri Dr Mahathir Mohamad. sebagai berjaya dan memberi hasil.

"Lawatan ini memberikan hala baru baru kepada hubungan Ethiopia-Malaysia," katanya merujuk kepada tiga perjanjian yang ditandatangani semasa lawatan itu mengenai kerjasama ekonomi, saintifik dan teknikal; perdagangan dan galakan dan perlindungan pelaburan.

"Pembangunan di Malaysia telah dianggap ramai sebagai satu keajaiban Asia dan kami telah melihat sendiri anggapan ini, dan ia adalah satu keajaiban," katanya pada satu sidang berita di hotel penginapannya di sini.

Dalam lawatan pertamanya ke Malaysia itu, Zenawi diiringi oleh Menteri Perdagangan dan Industrinya Kasahaun Ayele, pegawai-pegawai kanan kerajaan dan satu delegasi dari sektor swasta mengandungi 43 orang.

Mereka juga dibawa melawat Institut Penyelidikan Kelapa Sawit Malaysia (PORIM), Institut Penyelidikan Kepingkajian dan Industri Malaysia (Sirim), Institut Penyelidikan Getah (RRI), Lembaga Pembanyunan Industri Malaysia (MIDA) dan skim Felda di Serting, Negeri Sembilan.

Zenawi berkata Ethiopia berminat untuk mempelajari pengalaman Malaysia dalam industri getah dan minyak sawit.

Ethiopia yang ibu negaranya Addis Ababa, bersempadan dengan Djibouti, Eritrea, Kenya, Somalia dan Sudan.

Zenawi dan rombongannya akan berlepas ke Seoul esok pagi.

-- Bernama

AZZ WAT